



東京誌地

佛宇 堤堰
古蹟 各坊
藪 各同
戸口 名宦
軍額 人物
田結

ル 4
2489
2



名
號 2489
卷 3-2



東京雜記卷之二

佛宇



靈妙寺在府西五里唐貞觀六年新羅善
德王建殿宇三層體制殊異諺傳寺址本
大澤亘亘里之象一夜填之遂建此殿今
廢○芬皇寺在府東五里善德王三年建
有高麗平章李韓文後所撰和詩國師碑
乃為金石也○金克己詩答統空階竹拂
簷境清不復受朱炎僧閑雅笑迴黃眼客
醉高談奮紫髯蓬沼我常尋慧遠折門公

雜記卷之二

亦引商潛舍孟傲兀忘歸路新澁殘陽下
早麓新增高麗肅宗朝鑄藥師銅像重三
十萬六千七百斤後改小之○佛國寺在
吐含山中有石橋二曰青雲曰白雲制於
極巧新羅人金大城所創初年梁里貧女
有子曰大城早死其死之夜國宰金文亮
家有神唱于空云年梁里大城今托汝家
文亮妻果有身及生男右手握七日有金
簡在其寺鑄大城二字曰以名之既壯迎
置貧女子家養之與母同又創此寺請僧

表訓常住以祝二母壽○佔畢齋金宗直
詩為訪招提境松間紫翠重青山半邊雨
落日上方鐘語與居僧軟杯隨故意濃顏
然一榻上相對鬢鬢鬢新增金時習詩斲
石為梯歷小池高低樓閣映漣漪昔人好
事歸何處世上空留世上奇秦宮隋殿魏
招提剝得當時俗眼逐人去代殊俱寂寞
夕陽惟有老烏棲○祇林寺在含月山○
寺遺表詩謂佛祇林後還官半月時山深
雲岫映木老草生枝勇以伊尼騰吟長款

廣文記行真可說觸處有新詩○歲思寺
在府東五十里其東三里有利見臺寺中
言三三新羅文武王遺詔藏骨於東海邊
遂為海龍神文王為父王創寺於東海上
三臺寺下開一穴乃龍之入寺旋繞之處
其穴至今尚在今廢○栢栗寺在金剛山
有栢檀像○全思敬西樓記雞林樓觀之
中栢栗寺樓居其最先傷鄭知常董作詩
題辭極道其義創始歲月則不可考也殘
廢已甚不與景致相稱豈不君尹相國承

順尹府之二年倭寇既退戎兵之間與寺
住持見海府作沈于慶謀欲重新命通禮
門祇候金精義安逸金君子領戍卒而督
其後其向背增損之宜皆自公意而登臨
觀覽之富倍於昔日矣惟茲寺也降香祝
釐之所士大夫之所常往來况新羅古都
壯觀遊眺揔在此樓乎非好古君子孰能
葺殘廢為華構與四方遊覽者共之哉如
白修營佛宇邀福於釋氏者非尹公之志
也○鄭知常詩晨興小樓頭捲箔觀天宇

樓下即難林奇怪不可數老樹烟濛濛
斜一萬戶白雲飛東山綠水走西浦突兀
黃金剝相望朝欲照有森月城中花好今
無主空餘古風流一曲高聲舞記憶崔儒
仙文章動中土絲往錦還鄉年未二十九
白玉點蒼蠅不為時所取至今南山中唯
有一遺圃邈哉九世孫結髮混空伍喚來
殺其冠人識賢者後亦有薛先生蔚然龍
興虎方言講五經學者比東魯俗呼二君
子齊名同李杜嘯詠臨清風宿疾猶可愈

竭來謁金仙虛堂香一炷稽首祝吾君萬
年受天祐想像妙明鏡知予此心否試茶
閱子泉甌面發雲乳三復壽翁詩痛壁珠
璣吐樂哉無所愛此樂何太古飛蓋下松
門松門日卓午○朴孝修詩我行及良辰
春山開杜宇紅旆引歸程古風餘禮數唱
道青松陰撞鐘答雲戶如上補陀山寶殿
拂銀浦白華四時開芬馥恒春煦居僧惟
兩三孰為香火主眺望登西樓簷楹若飛
舞南曠人烟稠文物舊羅士金剎間人廬

得十中九聖跡雜九蹤過客奔看取甲
第與珠宮亂後成野圃堂有白衣尊妙化
無雙伍琴笛泛鯨濤往事森壁後畏兵來
乞茲干戈旋韜虎悔鈍來乞聰與聰於慧
魯應諸心所求普門未曾杜泠泠甘露多
洒餘熱惱愈我以血作油此身為信炷但
願帝萬齡吾君享百祐三韓向昇平乘泰
常除否嬰慕萬方來仰吸文四乳普率同
一懽強弱無吞止自然開壽域世復戴皇
古念茲坐夜深月正當樓午○天柱寺在

月城西北○俗傳紹智王射琴匣而倒乃
是寺僧也其北有鴈鴨池新增即新羅王
內佛堂今帝釋院也國人歲植名花于庭
祈福○錫杖寺在府北十里○世傳新羅
僧良志錫杖頭掛一布帛錫杖自飛至檀
越家振拂而鳴人知之納錢布帛滿則飛
還名其所住曰錫杖寺○法光寺在神光
縣西飛鶴山下○世傳真平王使元曉募
緣創立二層殿俗號金堂至今尚在○天
龍寺在高位山府南距二十五里○參巖

寺在府東北三十里暗谷村北諺傳麗祖
統三後藏兵登於谷中國名之有古碑○
茸長寺在金鰲山詩僧雪岑嘗構此居焉
岑俗名金時習新增金時習茸長寺有懷
詩茸長山洞窈不見有人來細雨移溪竹
斜風護野梅小窓眠共鹿枯椅坐同灰不
覺茅簷畔庭花落又開以上出輿地勝覽
兩間補其遺新增淨惠寺在紫玉山下晦
齋李先生少時隸業於斯其創建不知其
幾年自古傳稱新羅古剎佛前卓子足有

致和元年正月日造八字兩有先生手書
同遊錄在於法堂北壁中楹箴七句在於
北壁東窓之左後人恐其塵污遂皆刻其
字粉而籠之玉山書院創建後因為完護
寺○斗德菴在淨惠寺西北道德山腰巖
石壁立如屏障盤石平鋪周圍甚廣冷泉
馮出巖底菴僧以石作函兩貯之正當厨
門外壬辰之亂鄉校位版權奉於此得免
兵火○遠願寺在府東鳳棲山麓未知某
年所創丙崇禎庚午重修丙申災旋即重

建○開善寺在金鰲山東麓穴于壬辰崇
禎辛未重修○深源寺在府西七十里
障川寺在府南六十里前有溪水沿溪而
南五里有盤龜臺○黃龍寺在府東三十
里○斷石寺在斷石山○金谷寺在府北
二十里○安谷寺在杞溪縣西十五里
六華寺在杞溪縣北二十里○六屯寺在
鷓鴣嶺西麓○巨洞寺在竹長縣西南十
五里○寧谷寺在府北

古蹟

辰韓六部朝鮮遺民分居東海濱山谷間
有六村一曰開川楊山村今曇巖寺即今
之府南月南南連等村其長謁平初降于
甄巖峯二曰突山高墟村今南山部九良
茂麻等為道址回德等南村屬焉即今之
府南仇良又麻等為等村其長蘇夜都剌
初降于兄山三曰茂山大樹村今長福部
卦谷等西村屬焉即今之府西梁卦谷
等村其長俱禮馬初降于伊山一作皆比
山四曰甯山玆支村今通仙部梁巴等東

南村屬焉即今之府東賓子樂已寺村其
長智伯虎初降于花山五日金山加利村
今加德部上下西知乃兒等東村屬焉即
今之東海邊上而知下西知乃兒等村其
長祗沱初降于明活山六曰明活山高耶
村今臨川部勿伊村仍仇旅村關谷一作
葛谷等東北村屬焉即今之川北勿伊葛
谷等村其長虎珍初降于金剛山○按上
文六部之祖似皆從天而降出三國遺事
儒理九年春改六部名仍賜姓以楊山部

為及梁姓李高墟部為沙梁姓崔大樹部
為漸梁一云李姓孫珍支部為本彼姓
鄭加利部為漢祗一云韓岐姓裴明活部
為習比姓薛出東國通鑑高麗太祖二十
三年陞州為大都督府改六部名及梁為
中興部沙梁為南山部本彼為通仙部習
比為臨川部漢祗為加德部李梁為長德
部一云長福出應史地理○楊山羅井在
府南七里漢宣帝地節元年高墟村長蘇
伐公望楊山麓羅井傍林間有白馬跪拜

狀即觀之馬忽不見有大卵剖之嬰兒出
焉收養之及年十三歲岐嶷夙成六部人
以其生神異立為君稱赫居世居西干辰
人謂甄為朴以大卵如甄以朴為姓○關
英井在府南五里新羅始祖五年龍見是
井右脇誕生女兒老嫗元而異之收養之
以井名名之及長有德容始祖納以為妃
有賢行能內輔時人謂之二聖○金城井
在府內新羅始祖時龍見是井○羅羅井
在府南七里新羅炤智王時龍見是井

始林在府南四里脫解王九年王夜聞金
城西始林樹間有雞鳴聲遣大輔甄公視
之有金色小犢掛樹枝白雞鳴於其下王
取犢開之有小男兒在王喜曰此豈非天
遺我令胤乎乃收養之名曰關智以其出
於金犢故姓金氏曰名其林曰雞林因以
為國號林中築石高可三尺諺傳關智解
胎時置剪子石有刀痕在關智七世孫末
鄰娶助賁王女王無子味鄰代立是金氏
有國之始關智三國遺事云小兒之稱永

昌宮新羅文武王時建今未詳所在○瑞
石宮新羅僧元曉嘗唱歌云誰許汝柯斧
我所支天柱太宗王聞之曰此師欲得貴
婦產賢子之謂爾國有大賢利莫大焉時
瑞石宮有宗室寡婦王勅宮吏覓元曉自
南山來過榆橋遇宮吏佯墮水中吏使元
曉至宮晒衣袴曰留宿寡婦果有身生子
即薛聰宮基在鄉校南榆橋在宮基南○
黃鶴樓在客館東今廢○琴松亭在金鰲
山頂○玉寶高遊樂之處寶高新羅沙磬

恭永之子景德王時人入智異山雲上院
學琴五十年自製新調三卜曲彈之有玄
鶴來舞遂名玄鶴琴又云玄琴世傳寶高
得仙道○鮑石亭在府南七里金鰲山西
麓鍊石作鮑魚形故名焉流觴曲水遺跡
宛然○高麗太祖十年後石濟甄萱攻燒
近品城進襲新羅高麗府今永川這三部
畿新羅景哀王遣連式告急王謂侍中公
萱大相孫辛正朝聯珠等曰新羅與我同
好已久今有急不可不救遣公萱等以兵

一萬赴之未至萱梓入新羅都城時景憲
王與妃嬪宗戚出遊鮑石亭置酒娛樂忽
聞兵至倉卒不知所為王與夫人走匿城
南離宮從臣伶官宮女皆被陷沒萱梓兵
火掠入處王宮令左右索王置宮中逼令
自盡強辱王妃縱其下亂其嬪妾立三表
第金傳為王虜王弟孝廉宰臣吳景等盡
取子女百工兵仗珍寶以歸○李仁老詩
石虎宮中有棘生銅駝陌上無人行危亭
琴松半零落殘月依依照古城當時綠管

竟懷咽泛泛金觴隨曲折中流空惜魏山
河醉鄉不管陳日月○梅溪曹偉詩清溪
一派流縈回荒涼洞壑迤邐開鮑魚散落
溪水側春殘石老生蒼苔羅王昔日殿萬
機金輿玉輦長排細流連此地弄清泚羽
觴泛泛隨波來君臣酣歌入醉鄉簫鼓動
地如春雷不悟敵兵入心腹白日鐵騎潛
街救蹠血宮庭那忍說倉皇朝市飛塵埃
宮城宛轉啼軍前寶鈿零落委魚菜蟹目
嶺上愁雲紫松聲尚帶千年哀君不見臨

春閣中醉醺醺不知門外韓將軍玉樹
月歌未闕江南王業隨相滅前車可為後
車戒後車相尋迷覆轍我願天公令鬼守
留與後人鑑此石○瞻星臺在府東南三
里善德立三時鍊石築臺上方下圓高十
九尺通其中人由中而上下以候天文○
安軸詩前代興亡歲月經石臺千尺青
冥何人今日觀天象一點文星作使星○
圖隱鄭先生詩瞻星臺元月城中玉笛聲
會萬古風文物已隨羅代盡嗚呼山水古

今同○梅溪曹偉詩離離黍黍暗阡陌中
有崇臺高百尺根連黃媪池中深影對青
山雲外蠹齒餅當年民物醇羲和曆象次
第陳立圭測日觀日月登臺望雲占星辰
乾文頓度泰階平狼鬣不現天宇清雨陽
不愆民不瘥豐登四野謳謠聲乾坤萬古
舟歲壑不見金甌終委帖紛紛人世幾番
塵金碧駭葢荆棘劫火不燒巢獨在累
石巋然風雨外魯中觀臺今有無羅時制
作堪一意○九聖臺在金嶺山謠傳新羅

時九聖所遊之處○阿瑜浦多婆那國在
倭國東北一千里一名龍城國其國王舍
達婆娶女國王女為妃有娠七年乃生六
卵王曰人而生卵不祥且棄之其女以帛
裹之置櫃中載船浮海祝曰任到有緣之
地立國成家至阿瑜浦有老母聞見之小
兒在焉取養之及壯風神秀朗智識過人
或曰此兒不知姓氏初來時有鵲飛鳴宜
去為以昔為氏又解橫而出宜名脫解王
聞其賢以女妻之及僞理薨脫解從遺命

繼位是為新羅第四王○書出池在金鰲
山東麓○新羅昭智王十年正月十五日
王幸天泉亭有烏鼠之異王令騎士追烏
南至避村兩猪相鬪留連見之忽失烏所
在時有老翁自池中出奉書外面題云開
見二人死不關一人死使來獻之王曰與
其二人死莫若不關但一人死耳日官奏
云二人者庶人也一人者王也王然之開
見書中云射琴匣王入宮見琴匣射之乃
內殿焚修僧與宮主潛通而為奸也二人

伏誅名其池曰書出池○鴈鴨池在天柱
寺北文武王於宮內為池積石為山象巫
山十二峯種花卉養珍禽其西有臨海殿
不知創於何時而哀莊王五年甲申重修
基礎動猶在田畝間○星浮山在府南二
十里一峯秀出○新羅時有人謀求官命
其子縛高炬夜登山頂舉之京城人以為
妖星現王憂懼募人禳之其父將應命日
官奏此非大怪但一家子死父哭之兆是
夜其子果為虎所害○余那山在府南四

十里世傳有一書生居是山讀書擢第聯
婚世族後掌試設宴其婚家喜而作余那
山之歌自後掌試者設宴先歌此曲焉
鳳生巖在南山新羅故化淳羨鳳鳴于巖
目為名國人作歌羨之○月明巷在金城
南新羅憲康王遊鶴城至開雲浦忽有一
人奇形詭服詣王前歌舞讚德從王入京
自號處容每月夜歌舞於市竟不知所在
時以為神其歌舞處後人名為月明巷曰
作處容歌處容舞假面以裁○李益齊詩

新羅音日處客翁見說來從碧海中貝齒
嶺唇歌月夕爲肩紫袖舞春風○李唐詩
蒲川明月夜悠悠東海神人下市樓路闊
可容長袖舞世平恒掛百錢遊高蹤縹緲
歸仙府遺曲流傳在慶州巷口春風時一
起依然吹動挿花頭○悅朴嶺在府南三
十里東都妓轉花鶯所埋之地○金克己
詩玉貌催魂隔世空端只見層巔神女雨
收巫峽麗人風斷洛川雲學舞衫曳地月
偷歌扇當天行客幾傷芳性蒲巾紅淚泣

然○萬波息笛神文王時東海中有小山
浮來向感息寺隨波往來王異之泛海八
其山上有一竿竹命作笛吹此笛則兵退
病愈旱雨雨晴風定波平號萬波息笛歷
代傳寶至孝昭王加號萬萬波波息笛今
亡○玉笛長尺有九寸其聲清亮俗云東
海龍所獻歷代傳寶之○朴元亨詩新羅
有國開往昔民風朴略無興作玉笛一物
成何日非絲非石又非竹禮樂可堪回薄
俗况復雕琢荆山玉當時草木猶被澤豈

料鷄林今黃落瞻星臺古磬鮑石笛聲遠
播人人屋一朝萬事烟霞滅所寶非人猶
在物論錢未滿一錢直置之度外隨完缺
我來忽聞一聲曲把筆作歌詞筆拙獨不
見商王象筋雲埋後牧野千載遐思發○
李石亨詩鷄林往事聞夙昔借問玉笛何
代作聞說新羅大平日大平風月屬絲竹
竹聲猶嫵渭川俗命工斲得藍田玉磨礮
細膩光潤澤巧鑿六孔星錯落和絲調曲
諧金石憂憂清聲定場屋當時萬物皆烟

滅至今存者唯此物無乃鬼物煩守直傳
之永久完無缺我欲擬絲歌一曲曲且不
成詞亦拙君不見岐山石鼓久湮沒昌黎
老韓歌獨發新增謔傳麗祖欲翫之使人
取去行過鳥嶺吹之聲不出麗祖知其神
物而還之其後火燒破碎至今藏在工房
庫○玉帶真平王元年有神人降於發庭
謂王曰上帝命我傳賜玉帶王跪受凡郊
廟大祀皆服之時人讀曰雲外天顏玉帶
圓碎雍龍衮雅相宜吾君自此身彌重准

聖明朝鐵作墀及敬順王降高麗曆于太
祖乃鑄金安王排方腰帶長十圍六十二
銔也命藏于物藏庫初新羅使金律來高
麗太祖問曰聞新羅有三寶文六金像九
層塔并聖帝帶也有諸律對不知聖帝太
祖笑曰卿為貴臣何以不知律漸歸告等
順徧問群臣無知者有皇龍寺僧年過九
十者曰予聞真平大王所服歷代傳寶藏
在南庫遂開庫覓之風雨暴作白晝晦冥
乃擇日齊祭然後得之國人以真平是聖

母之王故稱聖帝帶至是來獻○井田新
羅時井田遺基尚存○四節遊宅新羅王
京人以富閭之家為金八宅九三十五宅
又以四時遊賞之地為四節遊宅春東野
宅夏谷良宅秋仇知宅冬加伊宅○財買
谷金庾信宗女財買夫人死葬於青淵上
谷因名之每春月同宗士女會宴於其谷
之南澗于時石卉敷榮松花滿洞府谷口
架築為菴因名松花房○日精橋一云春
陽橋舊在府東南紋川上○月精橋舊在

府西南蛟川上兩橋遺址尚存○金克己
詩半月城南兔嶺邊虹橋倒影照蛟川
蛟騰漢尾垂地蟠鍊飲河腰跨天手斬蒼
蛟周處身成白鶴令威仙昔賢逸跡皆
驚俗慚愧區區數往還○鬼橋在神元寺
傍○三國遺事真智王聞沙梁部拖花娘
之羨召致宮中欲盡之娘曰妾有夫雖死
靡他王戲曰無夫則可乎曰可是年王薨
後二年娘夫亦死次旬夜王如平生到娘
室曰汝昔有諾今無夫可乎留御七日忽

然不見娘遂有娠生子名曰鼻荆真平王
叔養宮中年十五每夜飛過月城西至荒
川岸與鬼衆遊聞諸寺曉鐘而散王使勇
士伺之知其然問荆曰汝領鬼衆遊信乎
曰然曰然則汝使鬼衆成橋於神元寺北
渠鼻荆使其徒鍊石一夜成大橋同名鬼
橋王又問鬼中有出見人間輔朝政者乎
曰有言達者可翌日荆與俱見王賜爵執
事果忠直無雙時角干林宗無子王命為
嗣林宗令吉達劍樓門於興輪寺名吉達

門一日達變孤而遁荆使鬼捕殺之自後
其衆聞鼻荆名怖畏而走時人作詞曰聖
帝魂生子鼻荆即室亭飛馳諸鬼衆此處
莫留停州俗至今帖此詞于門以辟鬼此
東京豆里之始○白雲梁亦在敘川上
○上書莊在金鰲山北○高麗太祖之興
新羅崔致遠知必受命上書有雞林黃葉
鷓嶺青松之語羅王聞而惡之致遠即帶
家隱居伽椰山海印寺終焉其鑑識之明
羅人服之乃以其所居名上書莊○奉德

寺鐘新羅惠恭王鑄鐘銅重十二萬斤鐘
之聲聞百餘里後寺淪於北川天順四年
庚辰移懸于靈妙寺○翰林郎金弼美鐘
銘曰夫至道包含於形像之外視之不能
見其有大音震動於天地之間聽之不能
聞其響是故憑開微說觀三真之奧載懸
舉神鐘悟一乘之圓音夫其鐘也稽之傳
生則驗在於蜀臧尋之帝鄉則始創於鼓
延空而能鳴其響不竭重為難軋其體不
衰所以王者元功克銘其上群生離苦亦

在其中也。伏惟聖德大王德共山河而並
峻名齊日月而高懸舉忠良而撫俗崇禮
樂以觀風野務本農市無濫物時蠲金三
世尚文才不意子靈有心老誠四十餘年
臨邦勸政一無干戈驚擾百姓所以四方
隣國萬里歸賓惟有欽風之望未曾飛矢
之窺燕秦用人齊晉晉霸豈可並輪雙轡
而言矣。雙樹之期難測千秋之夜易長晏
駕已來于今三十四也。頃者孝嗣景德大
王在世之日繼守丕業監撫庶機早滿慈

親對星霜而起戀重違嚴訓臨闕啟以增
悲遠之情神悽益魂之心更切敬捨銅
一二萬斤欲鑄大鐘一口立志未成奄
為就世今我聖上行合祖宗意符至理殊
祥異於千古令德冠於當時六銜龍雲陰
洒於玉階九天雷鼓震響於金。果木之
林離離乎外境非烟之色煥煥乎京師此
即發茲誕生之日應其臨政之時也。仰惟
大君恩若地平化黔黎於仁教心如天鏡
鑒父子之孝誠是知朝於元舅之賢。於

志臣之輔無言不擇何行有德乃願遺言
遂成宿意爾其有司辦事工匠盡殫歲次
大淵月惟大呂是時日月借暉陰陽調氣
風和天靜神器化成狀如岳立聲若龍吟
上徹於有頂之巔潛通於無底之下見之
者稱奇聞之者受賜願茲妙目奉朝尊靈
聽音聞之清響登無訖之法茲契三朝之
勝心居一乘之真境乃至瓊宇之叢共金
珂以永茂邦家之業將鐵圍而彌昌有情
無識慧海同波咸出塵區並昇覺路臣弼

奚文拙無才敢奉聖詔資班超之筆隨陸
佐之言述其願旨銘記于鐘也其詞曰紫
極懸象黃輿啓方山河鎮別區宇分張東
海之上象仙所藏地居極壑界接扶桑爰
有我國合為一鄉元元聖德曠代彌新妙
妙清化遊運克臻將息被遠與物靈均茂
矣千葉安乎萬倫愁雲忽脫慧日無春恭
恭孝嗣繼業千機治俗仍古移風豈違日
思嚴訓常慕慈輝更以修福天鐘為祈偉
哉我后感德不輕寶瑞頻出靈符無生三

賢天佐時泰國平遠惟動隨所願成乃
顧遺命于斯馮鑿神人焚力珎器形容震
威賜谷清韻翔峯開見俱信芳緣允鍾能
保魔鬼救之魚龍圓空神體方現聖蹤永
是鴻福恒恒轉重○府尹芮椿年移置南
門外構屋以懸凡徵軍及城門開閉時擊
之○曇巖寺一云曇巖舊址在純陵南○
天官寺在五陵東○金庚信為兒時母夫
人日加嚴訓不安交遊一日偶宿女隸家
母面教之曰我已老日夜望汝成長立功

名為君親榮今乃爾典屠沽小兒遊戲淫
旁酒肆耶呼泣不已庚信即於母前自誓
不復過其門一日被酒還家馬遵舊路誤
至娼家娼且放且怨垂泣出迎庚信既悟
斬所乘馬棄鞍而返女作怨詞一曲傳之
寺即其家也天官其女號也○高麗李公
升詩寺號天官昔有緣忽聞經始一宴然
多情公子遊花下含怨佳人泣馬前紅鬣
有情還識路蒼頭何罪謾加鞭隸餘一曲
歌詞妙鑿免同居萬古傳○皇龍寺在月

城東今廢只有丈六像○新羅真平王命
所司築新宮於月城東黃龍現其地王疑
之改爲佛寺號曰黃龍高麗顯宗撤朝遊
宮以其材修寺塔學心胡宗朝棄使輅過
寺兩花門見進士崔鶴賓留題云古樹鳴
朔吹微波漾殘輝徘徊想前事不覺淚沾
衣胡瞿然驚曰真不世才也及復命上問
東都遺事遂奏此詩○金克己詩五侯耽
耽一當夏不受暑炎官恥失威陋屋煩遷
怒焦心愁似火燥體汗如雨顛隨葉靜能

飛入清虛府身騎青瑤蹕手弄白玉兔可
惜凡骨腥雲霄失歸路不如叩幽人露灑
清軟語曉起理枯藤來尋西社玉燭池繞
砌苔鳥啾侵雲樹殺閣誇壯麗尋空欲飛
去一室曼陀花繽紛落玉塵坐久黃金鴨
沉烟橫篆縷活火試芳茶花荒得白乳香
甜味尤水一吸空可慮暮色入平林長廊
鳴法鼓才微萬象騎把筆吟尤苦○層梯
繚繞欲飛空萬水千山一望通身出廬茅
登降外眼吞豎亥去來中星槎影落蒼苔前

三三

兩月挂香飄檻下風俯視東都何限戶
窠蟻穴轉溟濛新增景德王十三年鑄鐘
長一丈三寸厚九寸重四十九萬七千五
百八十一斤俗傳今埋存寺基田畝間云
○迦葉宴坐石在皇龍寺石高可五六尺
圍僅三肘俗傳迦葉宴坐石又有釋迦丈
六像亦平五時所鑄黃鐵五萬七千斤黃
金三萬分後人讚宴坐石曰慧日沉輝不
記年唯餘宴坐石依然桑田幾度成滄海
可惜巍然尚未遷讚丈六像曰座方向處

匪真邗香火回緣景我邗不是育王難下
手凡城來訪舊竹箴○四天王寺在狼山
南麓新增新羅文武王十九年己卯成
奉聖寺在府東四里新增新羅神文王五
年乙酉成○永興寺在府城南○興輪寺
在府南二里新增新羅真興王五年甲子
成○神元寺在府南月南里○昌林寺金
鰲山麓有新羅時宮殿遺基後人即其地
建此寺今廢有古碑無字元學士趙子昂
昌林寺碑跋云右唐新羅僧金生所書其

國昌林寺碑字畫悉有典刑雖唐人名刻
無以遠過之也古語云何地不生才信然
○南山寺新羅人大世有方外志真平王
九年與僧淡水語曰在此新羅山谷之間
以終一生則何異池魚籠鳥吾將乘將泛
海以至吳越追師訪道於名山若九骨可
換神仙可學則飄然乘風於汶寥之表此
天下之奇遊壯觀也子能從我乎淡水不
答大世退而適遇仇桀者耿介有奇節遂
與之遊南山寺忽風雨落葉泛庭潦大世

曰吾有與君西遊之志各取一葉為之舟
以觀其行之先後俄而大世之葉在前大
世笑曰吾其行乎仇桀勃然曰予亦男兒
也豈獨不然乎遂相與為友自南海乘舟
而去後不知其所往○朱巖寺持麥石金
克已詩序下枝山俗號富山山之陽有寺
曰朱巖寺址有臺巖巉絕奇秀臨遠山望
遠海若駕鶴上漢下視萬像臺石之西有
持麥石四方削成若不可陟而上其上平
坦可坐百人昔大舒發金公虔信持麥於

此以供酒打燕饗軍吏之地也至今馬迹
存焉自持麥巖西行八九步有朱巖音道
人得神象三昧嘗自勵云苟非宮人不足
動心神象開之往竊宮人騰虛而去晨往
夕還未嘗愆期宮人恐懼白於王王命宮
人凡所歸宿以丹砂誌之仍命甲士物色
求之內自城市遠至高山窮谷幽絕之處
不可得也忽至此巖見有丹痕留在巖戶
而衲衣老僧宴坐其內王怒其妖惑遣猛
士數千人欲兵之僧冥心閉目一念神呪

陰兵數萬連亘山谷若世所畫神象者三
卒恐懼伏地不能進而還王知其異人迎
入大內拜為國師其妖遂絕云其詩曰迢
迢雲際寺異境隔塵凡鳥道彎青漢蜂臺
駕碧巖地靈潛洞壑天籟颭筠杉縱望襟
懷曠飄如馬脫銜○兀兀千仞岡巖巖一
抹石境絕四方險上頭平似席想像舒發
公令人此持麥日夕犒軍吏熊羆爭奮力
伏鉞頻出征王師竟無敵守之若山峙攻
之如電擊三韓為一家茂烈勒金冊莫詭

今安在綠苔沒馬迹我來偶探奇登覽懷
古昔不必親執鞭餘威凜如昨素月彎角
弓青雲卷油幕谷饒大人虎林是君子鶴
驚雷裂巖嶂鬣來鼓鐸嗟予墮家聲齷齪
觀攻翰墨半生登一第雙鬢已衰白侯王
安可期已分卧扶笮但願借餘勇詞場長
逐北○坤元寺北淵在神元寺南二里高
麗鄭仲夫之亂獻宗遜于巨濟東北面兵
馬使諫議大夫金甫當起兵欲討賊臣復
立前王使張純錫等奉前王出居是川李

義政等入城出前王至坤元寺北淵上弑
之裹以褥合兩釜投淵中寺僧有善泅者
取釜棄屍屍出水洩有日之為不敢傷前
副戶長弼仁等密具棺奉瘞水濱○王家
藪在府南十五里州人祀木郎之地木郎
俗稱豆里自鼻荆之後俗事豆里甚
盛高宗十八年蒙古元帥撒禮塔來討著
言與之死東京馳奏有木郎言我已到敵
營元帥某某人也我等五人欲與交戰期
以十月十八日若送兵鞍馬我等便當報

捷因以詩寄崔瑀曰壽夭災祥非一貫人
入居此未曾知除災致福是難事天上人
間捨我誰瑀信之私備畫鞞鞍馬遣內侍
金之簪送之其後無驗○臨關郡在府東
四十五里聖德王時築城於毛火郡以遮
日本賊路景德王改稱臨關高麗時合屬
于州石城遺址尚存人謂之關門○高城
郡本西兄山郡○東安郡本生西郎郡
晉汁火縣新羅婆娑王取音汁伐國置音
汁火縣後合屬於安康縣新羅多稱火火

乃弗之轉弗乃茂之轉約章縣本惡支縣
○東畿停本毛只停○金宮軾云羅人謂
營為停乃屯營之地○南畿停本報乃停
○西畿停本豆良彌知停○李唐云今密
陽府豆也保部曲即其地良與也彌知與
保方言相近唐言恐是○北畿停本雨谷
停○莫耶停本官阿良支停一云北河良
○省法伊部曲法一作仍在府北七十里
○八助部曲在府東六十五里○大庖部
曲○大昌部曲在府西七十里○南安谷

部曲在府西六十里○根谷部曲在安
縣西南五里○地界部曲○虎鳴部曲在
安縣東南七里○虎村部曲在神光縣
東南五里○下西知木柵在府東六十里
內有一池二井以上出輿地勝覽而間補
其遺新增梅月堂在金鰲山金時習棲息
之處遺址尚在階下有北向花○金時習
詩矮屋青氈暖有餘蒲窓梅影月月初拖
燈永夜焚香坐閑著人間不見書玉堂揮
翰已無心端坐松窓夜正深香挿銅瓶烏

几靜風流奇話細搜尋○產兒堂在金鰲
山鑿石如產兒狀俗傳新羅時求詞祈福
之處有剪刀痕○碁巖在金鰲山刻石如
碁局狀俗傳新羅時仙人局戲之處○琵琶
巖在金鰲山有石橫在巖頭如琵琶狀
○布飛巖在金鰲山有石如經緯狀俗傳
新羅時仙人經緯之處○兩微洞在府西
四十里洞中五里許有巖屹立高百餘尺
其南北分圻南巖銘字數行歲久苔蝕字
不可曉北巖四方屏立不能陟巖面刻七

像甚大長丈餘俗傳僧像巖或云上人巖
○幘頭巖在府西三十里富山城之東角
有石突然如幘頭狀故名或云將軍石石
之南有一菴亦號幘頭菴今廢巖之南十
步許有一石名曰仙人臺其上平坦可坐
十餘人○玉洞在安康縣南十五里俗傳
玉出是洞故名一云新羅時獄在是洞故
亦名獄洞至今訟于官者過此洞雖喘渴
忌飲洞水○孝子里在府南五里沙正里
新羅時人孫時揚事其父名伯至孝後人

同名所居為孝子里其碑尚存而字剝不
能曉○火珠芬皇寺九層塔新羅三寶之
一也壬辰之亂賊毀其半後有愚僧欲改
築之又毀其半得一珠形如碁子光似水
精舉而燭之則洞見其外大陽照處以綿
近之則火發然綿今藏在栢栗寺○石槽
長七尺二寸廣三尺五寸興輪寺故物也
府尹李必榮使人曳八琴鶴軒北庭以種
白蓮刻而識之○相思巖在金鰲山上其
六百餘圍截然屹立不可攀躋俗傳崇相

思疾者禱此巖有驗云○象公寺在府西
十里羅時所創其下防梁作水曰俗號哀
公梁○北捨寺在府南三十里今為閭閻
俗稱捨谷石塔猶在○虎額寺在府西川
邊新羅金現所創事見異聞左右倉在南
山城内新羅文武王三年癸亥作長倉於
此至今礎石宛然○達川倉在府西三十
里遺址尚存○雪倉在安康縣東八里良
佐村後山上遺址尚在亦有廢井非極旱
不涸

藪

禪補藪在府城中府尹衙舍北○始林在
府東南五里月城西○南亭藪一在蚊川
北一在蚊川南南藪即五陵也北藪今廢
○五里藪在府東八里東川邊迤袤五里
故名○閑地藪在府東八里即閑地原也
舊有藪中廢今年沙里驛撤後之後依前
種樹以為後日成藪之地未知有能繼此
不替者否耶○林井藪在府東北五里福
栗寺西○高陽藪在府北四里即古所謂

論虎藪也今則俗稱高陽藪古與林井藪
相連今為奸民割耕之田分而為二 右各
藪古來種樹成林意非偶然于今新飛結
業耕墾治道可勝浩哉法與禪補并林藪
內茂木耕田若入千道利漫有為守今
者不可不知也

戶口

新羅全盛時京中一千三百六十坊十七
萬八千九百三十六戶本府即今人六一
萬六千二百四十八口五萬四千九百

五十六戶口逐年增損本無定數故姑錄
已百見戶

軍額

別隊四百九十束伍一千五百七十

田結

甲戌量案元田畝一萬八千五百三十九
結三負九束慈仁分縣後二千二百四十
三結七十八負七束移屬慈仁縣同存田
結一萬六千二百九十五結二十五負二
束〇出稅田畝八千六百二十六結七十

負六束○癸巳仇史縣移屬慈仁後田結
五百九十一結九十九負九束移屬慈仁
縣○己酉元田畝一萬五千七百三結二
十五負二束○出稅田畝九千六百二十
七結八十四負九束田結逐年贏縮本無
定規故姑錄己酉詳定之數

堤堰

西面六谷堤在六谷村府西距二十五里
水田落種九石○蜜耳堤在蜜耳村府西
距三十里水田落種三十二石○開吾谷

堤在開吾谷里府西距四十里水田落種
十七石○浮雲堤在浮雲里府西距四十
里水田落種二十七石○文坡堤在阿火
驛北府西距四十五里水田落種十八石
○阿火末堤在阿火驛南府西距四十五
里水田落種十八石○於火堤在泉村府
西距四十五里水田落種十七石○奉德
堤在道音谷村府西距四十五里水田落
種十八石○刀堤在富山里府西距三十
里水田落種五石○毛吉堤在新坪村府

西距三十五里水田落種二十石○釜洞堤在道音谷烽燧下府西距三十五里水田落種二十一石○鷓鴣堤在阿火驛府西距四十里水田落種十九石○能川堤在能川村府西距四十五里水田落種十五石○富山內堤在富山里府西距三十里水田落種五十二石○新堤在道音谷村府西距四十五里水田落種二十五石○北面僧三內堤在僧三村東府北距十五里今廢○末承內堤在勿川府北距三

十里今廢○分皇堤在葛谷府北距三十里水田落種十八石○羅里堤在羅里村北府北距二十五里水田落種三十五石○金光內堤在見谷府北距十五里水田落種三十四石○金光外堤在見谷府北距十五里水田落種二百十七石○東山堤在東山洞村府北距三十五里水田落種三十九石○所里堤在葛谷里府北距二十五里水田落種三十五石○所叱方堤在甲山北麓府北距四十里水田落種

二十五石○安康刁馬堤在洪川里西府
北距六十里水田落種七石○洪川堤在
洪川里府北距五十里水田落種二十七
石○甲山堤在甲山里府北距四十里水
田落種三十石○得良堤在陵洞里府北
距五十五里水田落種五十石○六通堤
在六通里府北距五十五里水田落種四
十五石○排溪堤在魯堂里府北距五十
五里今廢○雪理堤在安康府北距五十
五里今廢○大洞堤在大洞里府北距三

十五里水田落種四十石○定惠堤在五
山東南三里府北距五十五里水田落種
四十石○引自火堤在引自火里府北距
四十五里水田落種二十九石○神光吾
也知堤在知德里府北距八十里水田落
種三十五石○大堤在神光縣內府北距
八十里水田落種五十五石○竹洞堤在
竹洞里府北距八十里水田落種五十六
石○祀溪安心新堤在駕川府北距九十
里水田落種十七石○夜致洞堤在夜致

河村府北距八十里水田落種二十石
南面金光堤在月南里府南距十里水田
落種二十九石○頭應洞堤在頭應洞里
府南距二十里水田落種九十三石○二
堤在頭應洞堤下府南距二十里水田落
種一百三石○吾背洞堤在藪可馬洞府
南距三十五里水田落種二十五石○蘇
山堤在仇良火村府南距八十里水田落
種二十七石○才良堤在才良村府南距
三十里水田落種三十二石○北安谷柳

等谷新堤在柳等谷村府西距七十里水
田落種七十石○新院堤在新院府西距
六十里水田落種二十五石○新堤在柳
等谷村府西距六十里水田落種九十二
石○大釜堤在楮硯府西距六十里水田
落種七石○小釜堤在楮硯府西距六十
里水田落種五石○古龍堤在倉巖外府
北距六十五里水田落種六石○黃巖防
堤在柳等谷村府西距六十里水田落種
十三石○玉浦院外堤在柳等谷村府西

距六十里水田落種六十二石○內堤在柳等谷村府西距六十里水田落種七石○新堤在楮硯府西距六十里水田落種六石○新小堤在柳等谷村府西距六十里水田落種十二石○五里堤在五里洞府西距六十一里水田落種二十五石○外堤在半亭府西距六十里水田落種十一石○東面五里堤在末方村府東距四十二里水田落種九石○長古堤在輪火里府東距四十里水田落種十三石○大鳥堤

在開伊洞陵吉村府東距四十里水田落種十七石○長山堤在開伊洞陵吉村府東距三十五里水田落種十七石○影堤在防禦吉里府東距三十里水田落種二十三石佛國寺相距十里許而寺之後山樹木及佛宇丹雘無不照映故名○許水堤在仇賊里府東距三十里水田落種七石○朝驛堤在朝驛府東距三十里水田落種八十五石○吐上堤在吐上村府東距四十里水田落種九十七石○筍堤在

防禦音里府東距三十里水田落種十七石○伏頭堤在朝驛府東距三十里水田落種十九石○風登堤在阿倍洞府東距二十五里水田落種十八石○堂祀堤在仇賊里府東距三十五里水田落種二十石○釜堤在坪里府東距二十里水田落種十九石○笏堤在伊洞府東距二十里水田落種五十三石○書出堤在金鰲山東麓府東距十五里水田落種十七石○山底堤在普門坪府東距十里水田

落種五石○大枝堤在開伊洞府東距四十里水田落種一百石○德方堤在仇於驛府東距五十里水田落種一百石○沙介橋新堤在石乙只村府東距四十五里水田落種十五石○排堤在五琴村府北距四十里水田落種十四石○廢堤西面奉城堤小山堤光地堤○邑內瓦卧堤排班堤○南面巨勿洞堤南宜一堤墨匠堤月南小堤○川北毛莊堤武斜堤僧三外堤末承外堤○安康寺洞堤仇之一堤金城堤草堤○神光輪火乃堤新

堤雙溪堤○北安谷赤池堤所計堤亮移
堤鉢山堤○祀溪勿豆只堤古通谷堤
各坊

邑內六坊左右道 皇五里 城南 城
內 沙正 皇南以上六坊檢督官一人
有司一人勸農各一人○東面路東三坊
自沙里至陵旨為內坊自道音方洞至下
薪為外坊自掛陵至龍加山為賓子○路
西二坊自入谷至仇於驛為一坊自沙日
至冷川為一坊以上東面檢督官一人路

東路西有司各一人每坊勸農各一人
東海邊二坊自甘浦至仇之為一坊自乃
兒至利見臺為一坊以上檢督官一人倉
監官例無有司二人勸農二人○南面路
東二坊自月南至花谷為一坊自卧旨至
朴達為一坊○路西二坊自非乙只至所
也為一坊自仍甫至次洞為一坊以上南
面檢督官一人路東路西有司各一人每
坊勸農各一人○西面路東二坊自大谷
至浮雲為一坊自裙谷至沙火郎為一坊

雜記卷二 三十九

○路西二坊自古川至新坪為一坊自刁
音谷至義谷為一坊以上西面檢督官一
人路東路西有司各一人每坊勸農各一
人○川北二坊自高陽至毛兒為一坊自
金藏臺至見谷為一坊以上檢督官一人
有司一人每坊勸農各一人○安康縣江
東三坊自毛西坪至虎鳴為一坊自玉琴
至有今為一坊自良佐洞至多叱村為一
坊○江西三坊自士坊至甲山為一坊自
根谷至玉山為一坊自山臺坊至沙里洞

為一坊以上安康縣座首一人倉監官例
無無察江東西別監二人檢督官二人別
監例無又有有司二人分掌江東西每坊
勸農各一人○神光縣合為一坊座首一
人倉監官例無別監一人檢督官一人別
監例無有司勸農各一人○祀溪縣三坊
自縣內至介洞為一坊自卧邑至只舉
谷為一坊自古通谷至六寺洞為一坊以
上座首一人倉監官例無別監一人檢督
官一人別監例無有司一人每坊勸農各

一人○竹長縣合為一坊座首一人倉監
官例無檢督官一人座首例無有司勸農
各一人○北安谷縣二坊自縣內至天境
為一坊自大昌至褚硯為一坊以上座首
一人別監一人檢督官一人座首例無有
司一人每坊勸農各一人

各同

嶺南諸邑年分書負所堂之界限

謂之同

自南門外路東至排班為府東初
自東方洞至上薪里為二同初

自陵吉至輪火里為二同二
自八谷至仇於驛為三同初
自寒川至南山新里為三同二
自長馨地境至仇谷里為東海邊四同初
自利見臺至二十乃里為四同二
自乃兒里至月乃洞為五同
自南門外路西至草洞為二同初
自大墳路西至草洞為二同初
自非乙只至守中乃為二同二
自錢邑至彥陽界為二同三

自馬等為至天龍寺為三同

自北門外至寧耳為府西初

自浮雲至道叱洞為二同初

自古川至道音谷為二同二

自道音谷至甘存為三同

自東川至勿川里為府北初

自葛谷至整藏為二同初

自金藏臺至西風亭為二同二

自引自火至重明洞為安康東初

自毛兒至士坊為南二同

自虎鳴至大洞為南初

自根谷至豆里洞為西初

自山臺坊至魯堂為北初

自良佐洞至多叱村為北二同

自神光縣內至麻助為一同

自祀溪縣內至尺峴為東初

自禾尾末至駕川為南西面

自芝歌谷至大寺洞為北面

自竹長縣上甘谷至下甘谷為一同

自北安谷五里洞至水城洞為初同

自褚覲至大昌為二同以上三十三同
名宦

高麗魏英太祖十八年十二月新羅敬順
王來降以國為慶州仍為食邑以魏英為
州長○鄭克永仁宗朝留守○崔顥靖宗
時為副留守與判官羅吉說司錄尹庶掌
書記鄭公翰等刻前後漢書唐書以進各
賜職賞○蔡靖為掌書記有清德其後東
京與永州作亂朝廷議遣安撫使難其人
聞東京人思靖不已乃拜靖留守副使單

騎之任東京人聞其至反側悉安○嚴守
安為判官元宗自元請兵而來將復古都
林惟茂欲拒之令夜別抄諭人民入保海
島山城別抄九人至金州守安告按廉崔
儒曰不可聽權臣之言輕動百姓宜執別
抄待變儒從之因別抄未幾惟茂誅一方
晏然及三別抄叛據瑠島傳檄州縣令民
昏入瑠島又聲言因別抄者罪之金州守
李柱懼而逃守安權知州事慰安民心密
城人殺其宰以叛按廉李叔真聞變奔金

州賊搜不獲守安與金州守金胆謀勦兵
快派真為討賊計賊聞之斬其魁以降
權胆為留守舊有一庫賦民絞羅野之名
甲坊克貢獻贏餘甚多皆為留守所私阻
撤甲坊以一年所收支三年貢司戶有盜
民租者碎其腦于庭觀者股慄忠烈初徵
拜典理摠郎○崔誠之為管記○安裕為
留守○安頌恭愍王時拜政堂文學自謂
知過知無不言上以為闕於事情頌乃以
母老請郡出尹雞林謚文敬○尹宣佐初

為漢陽尹王謂左六曰尹尹清儉故使牧
民後王親注守令至雞林尹輟筆思曰朝
臣盈庭無如尹尹即注之○田祿生為判
官李益齋詩田郎作倅吾雞林父老至今
懷清德○李茂芳恭愍朝為府尹初歲大
饑及茂芳至適歲稔茂芳曰民之便販魚
益置義倉以備賑貸○李成功為留守
禹仁烈為府尹○鄭世雲為留守○柳淑
為留守○崔瑩○裴天慶俱為府尹○羅
益禧為府尹庶勤慈惠南方稱頌之○安

輔○趙云佐俱為府尹○本朝高居正
咸傳霖○權克和○柳觀○李好誠○金
淡○崔喜復○柳規○李約東俱為府尹
○趙達生為判官○梁順石與學愛民
李世弼○崔應賢務興學校○許誠為政
清簡○黃孟獻俱為府尹 以上出輿地勝
覽新增府尹李賢輔號龜巖有政績立碑
頌德而經亂失碑○柳智善有善政碑
李夢弼有善政碑○李楨號龜巖不動聲
色而民自化以興學立教為第一務創立

西岳書院士民愈夕 不忘立碑頌德○李
玄培有善政碑○具思孟號八谷有治績
○黃允吉見海東名臣錄○李時發有善
政碑○李時彥有善政碑○李安訥有清
德碑○權帖率子官有清德善政碑○呂
祐言有清德碑○尹毅立有善政碑○全
湜號沙西以學識稱有遺愛碑○閔穰有
清德碑○朴遜有遺愛碑○嚴鼎耆有善
政碑立於三處○方瑋為判官有清德立
碑

人物

新羅勿稽子奈解王時人骨浦漆浦古浦
三國攻新羅竭火城王率兵救之六破其
師勿稽子斬獲數十餘級及其論功又不
見錄乃語妻曰為臣之道見危則致命臨
亂則忘身前日浦上竭火之後可謂危且
難矣而不能以致命忘身聞教人不忠也
既以不忠而任君累及於先人可謂孝乎
既失忠孝將何面立朝乎遂携琴入師苑
山不返○昔于老奈解王之子訖解王之

父助賁王時為大將軍伐甘文國以其地
為郡縣沾解王朝沙代國背附百濟于老
將兵討滅之後對倭使嫚言曰早晚以汝
王為益奴王妃為嬖婦倭王怒遣兵來討
執于老燒殺之味鄒王時倭大臣來聘于
老妻請於王私饗之及醉使壯士曳下庭
焚之以報前怨○朴堤上婆婆王五世孫
仕為歙良州今梁西于初訥祗王弟十好
質于麗味斯欣質于倭王憂之堤上往高
麗迎十好還又詐為叛者浮海入倭國竊

遣放還倭王怒詰之對曰欲成吾君之志
耳倭王曰汝言難林臣則必具五刑若言
倭國臣者必賞重祿對曰寧為難林之犬
拙不為倭國之臣子倭王剝髮上脚刈鬚
護使趨其上問曰何國臣乎曰難林臣又
使立於焚鐵上問曰何國臣乎曰難林臣
終不屈遂燒殺木島中王聞而慟之贈大
阿餐使放娶堤上文為妻○百結先生慈
悲王時人家極貧衣百結曰號之常以琴
自隨凡喜怒悲歡必於琴宣之歲將暮隣

里卷粟其妻聞杵聲曰人皆眷粟我獨無
何以卒歲先生嘆曰死生有命富貴在天
汝何傷乎乃鼓琴作杵聲以慰之世傳以
為碓樂○異斯夫奈勿王四世孫智證王
時為沿邊官以馬戲取伽倻國後為阿瑟
羅州軍主謂于山今薩陵島人愚悍難以
威來可以計服乃以才多造獅子形分載
戰船抵其島誑之曰汝若不服即放此獸
踏殺之國人懼乃降○斯多舍奈勿王七
世孫風標者志氣方正時人請奉為花

即其徒幾千人真興王命吳斯夫伐伽解
國多舍請從軍遂滅其國王策功賜伽解
人口多舍受已皆放又賜田園辭王強之
請受關川不毛之地○劔君大舍仇文之
子為沙梁宮舍人時值年饑民賣子而食
宮中諸舍人盜唱鬻倉穀分之劔君獨不
受舍人等懼漏洩密置毒於食而殺之
屠柔夫奈勿王五世孫以跡弛有遠志祝
髮為僧入高句麗境謁僧惠亮亮嗟乎密
言曰汝燕頤虎視將來必為將帥此國雖

小不可謂無知人恐子見執宜疾歸柔夫
還國真興王朝王命柔夫等八將軍侵高
句麗取竹嶺以外十郡亮出謁於道同載
以歸官至上大等○實考大舍純德之子
性剛直守正不苟嬖人琮堤屢請於王謫
官於林或謂曰君自祖考以忠誠聞於時
今為倭臣之豎也實考竹嶺之外何不直言
自辨實考答曰昔屈原孤直見擯自古而
然何足悲乎遂不言而往作長歌以見意
○金后稷真平三時人王好田獵后稷切

諫不聽將死語其子曰我為人臣不能匡
救君惡我死須瘞於王遊田路側其子從
之他日王出田中路有聲若曰王毋去者
王頽問之從者曰金后稷墓也遂陳臨死
之言王潛然出涕終身不復田獵人謂之
墓諫也○奚論年梁人也其父讚德有勇
志英節名高一時真平王選為掖岑城令
百濟大發兵來攻讚德謂士卒曰與其無
義而生不若有義而死乃激昂奮勵且戰
且守糧盡水渴猶食屍飲尿力戰不怠城

將破仰天大呼曰吾王委我以一城而不
能全願死為大癘喫盡百濟人以復此城
遂攘臂瞋目走觸槐樹而死奚論年二十
餘以父功為大奈麻其後王命奚論為金
山幢王與漢山州都督邊品襲掖岑城取
之百濟聞之舉兵來奚論等逆之兵既相
交奚論謂諸將曰昔吾父殞身於此我今
亦與百濟人戰於此是我死日也遂以短
兵赴敵殺數人而死王聞之流涕時人無
不哀悼為作長歌吊之○訥崔大奈麻都

水之子百濟兵來攻烽岑旗懸六禰三城
訥催固守待救兵不至慷慨流涕謂士卒
曰今孤城無援日益陷危此誠志士盡節
之秋人皆殊死戰及城陷訥催死王聞之
悲慟追贈級食○温君解真德王六年武
烈王以伊食入唐還至海上遇高句麗邏
兵從者温君解高冠大衣坐於船上邏兵
以為武烈殺之武烈乘小船得免王贈君
解大阿食優賞子孫○金仁問字仁壽武
烈王第二子多讀儒書無涉老莊浮屠之

說又善隸書射御年二十三入唐宿衛官
至補國大將軍上柱國臨海郡開國公則
天時卒令大醫署令陸元景等押送靈柩
孝昭王追贈大角干○官昌將軍品日之
子少為花郎善與人交太宗王時出師與
唐兵攻百濟昌為副將至黃山之野品日
謂曰余雖幼有志氣今日是立功名之秋
昌曰唯即上馬橫槍直擣敵陣殺數人為
濟人所虜生致之元帥階伯階伯俾脫冑
愛其少且勇不忍殺之嘆曰新羅多奇士

果然乃縱之昌曰向吾入賊陣不能斬將
奪旗深所恨也掬井水飲訖再突陣階伯
擒斬之繫首於馬鞍送之品日以袖拭血
曰吾兒面目如生能死於王事矣三軍見
之慷慨鼓譟進擊濟兵大敗之王贈級資
以禮葬之○李詹辨曰乙丑冬客于蘇林
府尹裴公設鄉樂以勞之有倏面童子舞
劍於庭問之云羅代有黃昌者年可十五
六歲善舞此謁於王曰臣願為王擊百濟
王以報王之怨王許之則往舞於通衢國

人觀者如堵王聞召至宮中使舞而觀之
昌擊王於座殺之遂為左右所害母聞號
哭遂喪明人有為其母謀還明者令人劍
舞於庭給之曰昌來舞矣前言誣耳母喜
泣之即還明以昌幼而能死事故載之鄉
樂流傳云余嘗觀三國史矣凡職官除拜
隣境侵伐率皆書之以至日星雷雨之變
草木禽獸之妖無不紀焉國君而見害於
敵國之豎童子而報仇於敵國之君皆非
細事也兩國之史不載固可疑也惟列傳

載官昌事首末其忠義藹然讀之令人悲
惋此必官昌也傳者誤耳允謀變於敵國
者或假行高或為得罪誣以甘言佞辭或
情見事洩其不濟者多矣濟既興羅為敵
國昌不應公然持兵往於通衢大道之中
若果如是濟人得昌將具刑以訊之矣豈
使縱之逞奸於王庭乎此人情事理之不
通者也吾求古人之可擬官昌者并論春
秋哀公十一年汪錡為公為之乘偕死於
國書之難孔子曰能執干戈以衛社稷可

無殤也夫死義成仁者固難矣童子而敢
為者獨見汪錡與昌耳議論謬誤不可不
辨為見舞昌者辨之且別為讀史者為考
異云○金歆運奈密王八世孫也太宗三
憤麗濟侵軼謀伐之以歆運為郎幢大監
於是拉百濟地進攻助川城濟人來襲飛
矢雨集歆運橫馬握槊待之或曰賊起暗
中咫尺不辨雖死無知者况公新羅貴骨
若死賊手敵之所幸我之所恥歆運曰六
丈夫既以身許國何計人之知不知哉從

者控馬勸避敵運以劍揮之遂突陣格殺
數人而死時人為作陽山歌以傷之○匹
夫沙梁人也太宗王以匹夫為七重城縣
令明年高句麗來圍匹夫且守且戰者二
旬麗兵欲引還逆臣比嗽密以城內食盡
告敵敵遂復戰匹夫知之斬比嗽殺之城
外令軍士曰忠臣義士死且不屈勉哉城
之存亡在此一戰奮拳一呼病者皆起爭
先赴敵敵乘風縱火攻城突入匹夫向敵
對射矢集其身如蝟血流至踵乃仆而死

○薛颯頭武德四年隨海舶入唐會太宗
征高句麗颯頭自薦為左武衛果毅至遼
東與麗人戰于駐蹕山下方鬪而死帝脫
御衣覆其尸授職大將軍以禮葬之○金
大問嘗為漢山州都督嘗著高僧傳花郎
世記樂本漢山記若干卷○薛聰字聰智
元曉之子生而明銳既長博學善屬文能
書以方言解九經義訓導後生又以俚語
製吏札行於官府神文王嘗燕居引聰謂
曰今日宿雨初歇薰風微涼高談善詠可

以舒鬱子必有異聞蓋為我陳之聰曰唯
臣聞昔花王之始來也植之香園護以翠
幕當三春而發艷凌百花而獨出於是艷
艷之靈夭夭之英無不奔走上謂忽有一
佳人名曰薔薇朱顏玉齒鮮粧靚服伶俜
而來綽約而前曰妾聞王之令德願薦枕
於香帷王其容我乎又有一丈夫名曰白
頭翁布衣韋帶戴白持杖龍鍾而步偃僂
而來曰僕在京城之外居大道之傍竊謂
左右供給高粱雖足中貯儲藏須有良藥
故曰雖有絲麻無棄菅蒯不識王亦有意
乎王曰丈夫之言亦有道理而佳人難得
將如之何丈夫曰凡為君者莫不親近老
成而與昵比天艷而以然而天艷易合老
成難親是以夏姬以陳西施滅吳孟軻不
遇以終身馮唐郎潛而皓首自古如此吾
其奈何花王謝曰吾過矣於是王愀然作
色曰子之言諷諭深切請書之以為戒官
至翰林高麗顯宗時贈弘儒侯從祀文廟
○祿真吉洽秀奉之子昭聖王十二年上

大等忠恭坐政事堂注擬內外官請托全
至忠恭莫能舉措感疾而退召醫診之曰
病在心臟須服龍齒湯遂杜門不接賓客
執事侍郎祿真請見門者拒之祿真曰下
官非不知相公謝客願獻一言以開鬱悒
之懷耳不見不退也門者三復乃見祿真
曰伏聞氣體不調得非早朝晚罷蒙犯霧
露傷榮衛之和失支體之安乎曰未也祿
真曰然則公之病不須砒石可一言理之
忠恭曰可得聞乎祿真曰彼梓人之作室

也材大者為梁柱小者為椽榱偃者植者
各安所施然後大厦成焉宰相之為政也
亦然才巨者置高位小者授下官內則六
官百執事外則方伯郡守朝無闕位皆得
其人然後王政成焉今則不然徇私而滅
公為人而擇官愛之雖不才必進憎之雖
有能必斥取舍勞其心是非亂其志不獨
害於國事為之者亦病矣若其當官清白
莅事恪恭杜貨賂之門絕請托之路黜陟
必以幽明予奪不以愛憎如衡焉不可枉

以輕重如繩焉不可欺以曲直如是則刑
故允穆國家和平雖日開公孫之閣置曹
參之酒與朋友故舊談笑自樂可也又何
必區區於服餌？間徒自費日廢事為哉
忠恭悅謝醫朝王王曰謂卿剋日服藥何
遷烹朝對曰臣聞祿真之言同於藥石豈
止飲龍齒湯而已哉因為王陳之王曰寡
人為君卿為相而有人如此不可使儲君
不知也太子入賀曰臣聞君明則臣直此
亦國家之義事也○金陽太宗王九世孫

興德王薨無嗣王之堂弟均貞與堂弟之
子恊隆爭立陽奉均貞為王入積板宮恊
隆之黨金朋等來圍之殺均貞陽號天誓
心及金朋弒恊隆自立陽募集兵士入清
海鎮見均貞之子祐徵祐徵與謀舉事討
金朋殺之奉迎祐徵即位是為神武王陽
官至待中卒追贈舒發翰其贈聘欵葬一
依金庾信舊例陪葬太宗王陵○崔致遠
字孤雲美風儀少精敏入唐學問無怠一
舉及第黃巢之亂高駢為諸道兵馬都統

辟為從事委以書記表狀書啓啓兵告檄
皆其手一麗顯宗時贈內史令文昌侯
從祀孔子一 新唐書藝文志載崔致遠
四六集一四一 二十卷又有崔氏
文集三十卷致遠 二十八歲有歸寧之
志唐僖宗知之授 言以來留為侍讀無
翰林學士守兵部侍郎知瑞書監事致遠
自西仕大唐東歸故國嘗遭亂世迺遭蹇
連動輒得咎自傷不遇無復仕進意逍遙
自放山林之下江海之濱營臺榭植松竹

枕藉書史嘯詠風月若慶州南山剛州水
山陝川清涼寺及智異山雙溪寺合浦縣
別墅皆遊覽之所也後帶家隱伽椰山海
印寺與母兄浮圖賢俊及定玄師結為道
友棲遯偃仰以終老焉以上出與池勝覽
而更考諸史隨其世代改其次序有加增
補高麗裴玄慶初名白玉膽力過人太祖
征討四方玄慶功居多累進大匡表為太
祖幸其第執手問疾出門而卒謚武烈○
崔彥搆羅季人性寬厚能文年十八遊學

八唐及身四十二東還太祖開國命為太子師傅委以文翰之任一時貴游皆師事之官至大相謚文英○東京老人史失其名新羅敬順王降高麗隱居不從高麗成宗幸東京勅有司搜訪隱滯丘園者又勅旌忠臣孝子老人作詩二篇獻內相王黼云九天光動轉星辰日旆龍旗並海巡黃葉雞林曾索實烟花今復上園春又問閭光彩旌忠孝丘壑喧傳訪隱淪昔未隨周老往幸今親覩漢儀新○崔承老性聰

敏好學善屬文年十二太祖召見甚嘉之命隸元鳳省學生賜鞍馬例食二十石自是委文柄成宗朝為正匡歷門下侍郎平章事拜門下侍中封清河侯謚文貞配享成宗廟庭○崔亮性寬厚善屬文成宗在潛邸引為師友及即位遂加擢用甚協人望官至內史門下平章事謚匡勳配享成宗廟庭○崔沆彥為之孫登甲科遷內史舍人穆宗倚以為重故無大小必與圖議金致陽謀不軌與蔡忠順等定策迎立顯

宗憲致堂文學吏部尚書拜門下平章事
賜推忠盡節衛社功臣號清河縣開國子
食邑五百戶又加守正功臣號謚節義配
享顯宗廟庭○李周佐穆宗朝登第官至
刑曹尚書判御史臺事立朝四十餘年有
大臣之體○崔齊顏承老之孫事顯德靖
文四朝官至太師門下侍郎謚順恭配享
文宗廟庭○金富侑其先新羅宗姓少力
學登第直翰林院仁宗朝官至檢校太保
守太尉門下侍郎同中書門下平章事判

尚書禮部事上柱國不事生產文章華瞻
凡辭命必命潤色謚文簡與其弟富儀富
軾皆為文翰侍從封其母大夫人歲賜廩
粟○金富儀肅宗二年登第累遷直翰林
院仁宗朝守司空尚書左僕射致堂文學
判尚書禮部事監修國史柱國謚文懿
金富軾肅宗朝登第直翰林院歷右司諫
仁宗即位以李質譙國舅禮數不可與百
官同衆議雷同富軾獨曰王庭正君臣之
禮私覲全父子之親詔可妙清與趙匡抑

三才圖會卷二 三十一
昂等據西京反富軾為元帥平西都拜翰
忠定難靖國功臣檢校太保守太尉門下
侍中判尚書吏部事監修國史上柱國毅
宗即位封樂浪郡開國侯食邑一千戶卒
年七十七謚文烈為人豐貌碩體面黑目
露以文章名世宋使路允迪來富軾為館
伴其介徐兢見富軾善屬文通古今樂其
為人著高麗圖經載富軾世家又圖形以
歸奏于帝乃詔司局鑄板以廣其傳由是
名聞天下後奉使如宋所至待以禮三掌

禮園以得士稱有文集二十卷○金漢忠
新羅大輔闕智之後少雄偉力學登第膺
宗朝命尹璠伐女真漢忠為中軍兵馬使
力戰有功官至尚書右僕射○金日涓金
傅之後官至平章事○金景庸容儀偉麗
有貴介風彩以閣門祗候出為廣州判官
為政不苛仕肅膺兩朝歷兵戶工三部尚
書門下平章事陞門下侍中上柱國加協
謀衛社致理功臣判尚書吏刑部事樂浪
郡開國伯食邑七百戶○金仁贊中第歷

左丞宣左諫議大夫睿宗朝進知奏事累
遷至守太尉平章事○盧永淳杞溪人睿
宗朝春州道寇賊興行王遣永淳討平之
官至平章事諡懿貞○金君綏富載之子
明宗朝擢魁科直翰林院拜左諫議大夫
代趙冲為西北面兵馬使以清白愛民稱
後斬叛臣韓侂多智函首送京兵馬使金
就礪嬖其不先報已遂流君綏漢南時人
冤之○金仁鏡初名良鏡才識精敏善隸
書明宗時中第從趙冲討契丹兵于江東

城有功歷中書侍郎平章事仁鏡文武吏
才俱贖天資清婉無一點塵累自郎署至
于相府高文大冊皆出其手王公妾婦以
至牛童馬走無不知其名諡貞肅○崔汝
諧性寬厚登第補蔚州通判初明宗為翼
陽公汝諧為其府典籤一日夢太祖授笏
於明宗明宗受之坐御床汝諧與百僚賀
覺而竒之以告明宗及即位汝諧實表至
京曰宦官以奏王始驚曰崔典籤來矣引
見慰諧之乃拜左正言累遷至樞密院使

敬請常侍謝肱云西垣備職寔知此日之
息榮北闕朝天始信當年之憂感司乞骸
持授故堂文學謚文貞○金鍊成仁鏡之
子擢魁科官至翰林學士承旨○金承茂
鍊成之子有才識少登第歷史翰累遷至
侍御史○金慶孫高宗朝人性莊重和裕
智勇絕人有膽略以蔭進歷華要累立戰
功朝野倚重遽為崔沆所害人皆痛惜
金瑋慶孫之子忠烈朝為大將軍中寶王
如元權署行省事後封樂浪君賜推誠翊

林功臣號改封雞林府院君謚忠宣○李
瑱博通百家有能詩聲忠烈朝登第檢校
故丞臨海君謚文定號東菴○李齊賢瑱
之子忠烈朝登第忠宣留燕邸構萬菴堂
曰京師文學之士皆天下之選吾府中未
有其人是吾羞也召齊賢至都時然燧間
復元明善趙孟頫等咸遊王門燧等籍冀
不置奉使西蜀所至題詠膾炙人口忠宣
之降香江南也齊賢從之王每過樓臺佳
致寄興遣懷曰此間不可無李生也以燕

吳待從功奏授高麗王府斷事官後復如
元元欲立省本國齊賢上書都堂其議遂
寢志宣流亡蕃齊賢獻書元即中及丞相
拜任既而帝命量移三余思麻之地從拜
在所奏也既還國享小益扇亂齊賢每迹
不出著操翁裨說恭愍即位未至國命齊
賢攝政冬權斷征東省事時王在元國之
虛措置得宜入賴以安官至門下侍中兼
林府院君撰國史於其第史官及三館皆
會焉自必儕輩不敢斥名必稱益齋後配

享恭愍廟庭○尹莘傑杞溪人忠烈朝登
第官至僉議評理杞城君○李仁琪性寬
厚義風儀習禮度以武勇顯為護軍疾重
房諸將怙勢使氣抗辱之諸將訴忠宣忠
宣雖直仁琪以諸將皆上國婦寺黨不得
已削仁琪職未幾超授知議部事俄再判
門下事○崔瀼致遠之後九歲能詩忠廟
八年中元朝制科後遼陽路益州判官及
東還藝文成均典校三館出迎于迎賓館
累官至檢校成均大司成瀼才奇志高不

或異端不溺習俗而務合於古人近祐并
興聞詔乃曰可試所學既而果中制科同
年壯元宋本稱其才屢形於詩嘗過東萊
縣登海雲臺見合浦萬戶張瑄題詩松樹
曰噫此樹有何厄遭此惡詩遂削去之塗
以上行至安東瑄聞之怒命猛將三四追
之得儻從一人歸械立門外鑿潛踰竹嶺
還京大為儒林所笑後居城南獅子山下
晚從獅子岬寺僧借田而耕開園田取足
自號狷山農隱有座右銘及倪山隱者傳

○李達東肅宗朝登第累官成均祭酒恭
愍元年拜典理判書轉監察大夫遷戶部
尚書十五年以名儒擢為密直提學封維
祚君謚文靖性剛直不撓有鑑識嘗為東
址面都巡問使及還我

拒祖餞于野

太祖立

拒祖後

拒祖行酒達裏立飲

太祖行酒乃跪飲

拒祖怪問之曰此子誠異人非公所及公之家業此子必能大之可以子孫屬之所著書齊寧集行于世其詩文大為益齋所稱賞辛旽方用事達衷嘗於廣坐謂辛旽曰人謂相公好酒色旽不悅及旽伏詩達衷作詩有威能餒虎能羅幘或為男婦女趨黃狗蒼鷹尤所惡為雞白馬是何辜之句○李寶林益齋之孫為人嚴毅方正有政事材累轉政堂文學封雞林君○李成瑞忠定朝拜密直副使恭愍即位陞尚書

左僕射王避紅賊南遷命為楊廣道都巡問兼兵馬使兼兵有功興王之變從崔瑩擊賊又有功俱策為一等如元賀正授太尉監大卿謚恭簡○李存吾字頌卿早孤力學慷慨有志節恭愍九年登第調水原書記選補史翰與鄭夢周朴尚衷李崇仁鄭道傳金九容金齊顏相友善講論無虛日授監察糾正十五年為正言辛旽嘗國陵僭不法無敢言者存吾奮不顧身曰妖物誤國不可不去遂上疏極言時旽與王

對床存吾目眈叱之曰老僧何得無禮如此眈惶駭不覺下床王愈怒貶長沙監務國人稱之曰真正言也後居公州之石灘憂憤成疾革使扶起曰眈尚熾乎眈亡吾乃亡返席未安而卒年三十一歿三月眈誅王思其忠贈成均大司成○金震陽恭愍朝登第不十年歷敷華要轉左常侍論覈趙浚等罪臺諫交章震陽革構學生事以致禍亂杖流遠地卒號草屋于李崇仁作傳○金自粹字純仲少與圃隱牧隱

相友善恭愍王末擢魁科辛禡初以正言論事宵突山戍尋放官至都觀察使見時政亂退歸鄉廬逮我朝開國堅卧不起太宗嘉之以刑曹判書徵乃歎曰為人臣國亡與亡義也吾自有死所矣以凶具自隨行至廣州秋嶺作絕命詞曰平生忠孝意今日有誰知一死吾休恨九原應有知遺命死便埋此遂自裁蓋圃隱墓在秋嶺故也後子孫豎碣書本朝官衙風雷拔而去之號棄村○本朝僎長壽元朝崇文

監丞遜之子也遜於元季恭愍王時避兵
東來長壽官至判三司事後仕 本朝請
賜鄉貫我 太祖命以雞林為貫○金相
曰渭之後 太祖朝開國功臣封雞林君
謚齊肅○李未存吾之子登第參佐命功
臣封雞林君配享 太宗廟庭○僕循遜
之孫博學能文再登第官至提學○金孟
誠細之子官至刑曹判書 謚僖敬○金
新民登第官至知中樞院事子升卿登第
官至刑曹參判○李文炯登第官至禮曹

參判風姿玉裕以文雅稱○李尹仁益齋
之後登第累官至平安道觀察使○鄭孝
常擢甲戌科壯元參知政事佐理功臣封雞
林君○孫昭守日章雞城君士晟之子也
與佔倭齋為道義之交登己卯賢良科選
入南床丁亥李施愛之亂兄旭以御史銜
命到咸興為賊所殺會 命選文武全才
佐戎昭與焉遂雪涕赴墓力贊壽畫策敵
愾功封雞川君 命圖畫藏于勲府 賜
副本于其家有世襲世宥之 教官至吏

曹參判 贈吏曹判書 謚襄敏○金永
濡登第官至刑曹參判○金千齡魁丙辰
科官至直提學有才名○崔淑生登第能
詩文充工四六號益齋○孫仲暎字泰發
雞川君昭之子也少遊佔俾齋之門 成
廟癸卯中司馬己酉登第由翰林歷敷清
要燕山時以言見黜 中廟朝叙拜尚州
牧州人立生祠今之涑水書院是已選清
白再掌銓銓注公平時新經己卯以學為
諱而仲暎既陳五條有格致誠正等語李

容齋題其墓曰窮理盡性公之學官至吏
曹判書襲封月城君 謚景節號愚齋○
新增新羅金庚信王京人首露王十三世
孫也父舒玄庚辰夜夢發感鎮二星降於
己母萬明夢見童子衣金甲乘雲入堂尋
有娠二十月而生皆有七星文父曰庚與
庚字相似辰與信聲相近况古人有名庚
信迹名之及壯事善德太宗文武三王統
合麗濟事蹟具在東史本傳 嘉靖辛酉
立祠享之後目以為西岳書院○貴山

第項皆沙梁人也少相善同受五戒於圓
光法師一日事君以忠二曰事親以孝三
曰交友以信四曰臨戰無退五曰殺生有
擇真平王時百濟大發兵來王使將軍乾
品等拒之貴山第項並以少監赴焉羅軍
力困引還貴山大言曰吾聞士臨戰無退
豈敢奔北乎與第項揮戈力鬪金瘡滿身
羊路而卒○夫果 驟徒 逼實兄弟三
人沙梁人也驟徒嘗出家名道王太宗時
百濟來伐道王語其徒曰吾既不能精術

業以復性不如從軍殺身以報國脫法衣
着戎服改名驟徒意謂馳驟而為徒也遂
隨軍赴敵持槍劍突陣力鬪死之後文武
王與百濟戰於熊津夫果以幢主戰死論
功第一後高句麗殘賊據城叛神文主以
逼實為貴幢臨行謂其婦曰吾二兄既死
於國吾何畏死而苟存乎今日與爾生離
終是死別也及對陣獨出奮擊斬殺數十
人而死○金欽春沙梁人真平王時為花
郎仁深信厚能得衆心文武王陟為冢宰

事上以忠臨民以恕國人翕然稱為賢相
○金盤屈角干欽春子也太宗時唐高宗
命蕭定方伐百濟欽春受王命率兵應之
至黃山原戰不利欽春召盤屈曰為臣莫
若忠為子莫若孝見危致命忠孝兩全盤
屈曰唯乃入賊陣力戰死之以上出三國
史金令胤盤屈子也神文王時高句麗殘
賊悉伏以城叛王命討之以令胤為步騎
監將於謂人曰吾此行也不使宗族朋友
聞惡聲及見悉伏結陣以待或告曰窮寇

勿迫宜左次以待疲極而擊之令胤曰臨
戰無勇禮經之所譏有進無退士卒之常
分遂赴敵格鬪而死王聞之流涕曰無是
父無是子○金昕陽之從父兄也幼而聰
悟好學憲德王將遣人入唐難其人或薦
昕精神朗秀氣宇深沉遂令入朝歲餘還
皇帝詔授金紫光祿大夫王以不辱命特
授南原太守屢遷至伊淪蕭相國後為大
將軍擊清海兵敗績自以不能死綬不復
仕官入小白山葛衣蔬食以終其身以上

出三國史 ○李達尊字天覺益齋之子也
工文詞忠肅朝登第陞獻納忠惠如元與
父從之王復位授典理愬郎東還道卒年
二十八以上出高麗史列傳 ○本朝李元
益益齋之孫官至大司成登第年代不可
攷不錄於科目門 ○李瑄元益之子官至
判書登第年代不可攷不錄於科目門 ○
李之帶瑄之子登武科官至漢城判尹 ○
李從允居府南月南里登第歷兩司陞通
政為濟州牧李于官性質清儉不為表標

有古人風以清白見稱濟州名宦記云政
尚清簡克愛民悅考滿上書請留竟卒子
官人甚惜之 ○李蕃字叔翰居安康縣良
佐洞資稟秀異儀容端正弱冠遊府庠從
師取友通經學工文詞筆法亦妙 成廟
見南道都會儒製得善居魁數篇嘉賞之
即 命乘傳赴闕給紙筆更試之 賜衣
食具許留國學使卒其業多士榮之 弘
治乙卯中司馬有子曰彥迪即晦齋先生
○李彥迪字復古蕃之子也 正德癸酉

中廟朝中司馬甲戌登第官至左贊成
贈領議政 謚文元配享 明宗廟庭從
祀文廟有文集五卷九經衍義求仁錄大
學補遺奉先雜儀等書行于世號晦齋○
曹漢輔號志機堂博覽古書從事文學而
所見流於禪學晦齋先生作書以辨之○
金洵登武科官至承旨晦齋先生謫江界
時洵為滿浦僉使病重先生曰名譽甚不
好造物皆欲害之此人亦多名譽甚可慮
也云○李應仁晦齋先生之嗣子也八歲

聞生母李氏計哭甚哀一日患痢頗苦舉
家危之勸肉不從翌朝進石葺羹應仁幼
未嘗見錯認牛千葉不食初母李氏解衣
送之至是每泣且摩曰吾母衣也念母不
已母朴夫人撫背止其泣曰我是汝母亡
者即叔母也對曰此亦母彼亦母也晦齋
聞而奇之後筮仕屢典縣邑所至有聲績
○孫擘仲暎之曾孫幼穎異早有俊聲其
為文敏贍右長於詩 明廟以慶邑人材
之盛特命新羅玉笛為題發遣京官試諸

生時年十五考官得擘所製奇之擢置
高等由是知名 宣廟朝戊辰中進士益
自力為文屢舉不第後除 靖陵參奉○
崔震立字士達文昌侯致遠後清白吏內
六世孫也孝友篤至魁偉有器局 萬曆
壬辰年二十五以白衣倡義協復州境島
山之戰經略楊鶴深加歎賞後三年入武
選前後遷秩皆蒙 親擢所至以廉白著
官至工曹叅判 崇禎丙子清人絕盟約
朝家特 命鎮守公州以備要害及南漢

被圍監司鄭世規率師入援以震立年老
悶之易以他將震立憤曰 主上在圍吾
雖老敢圖生為曰泣下前行至龍仁險川
清人以鐵騎震震立植立不動顧謂從者
曰我不離此一寸地遂死之時年七十子
東亮得屍果不離戰地顏色如生 事在尊

周要綱

仁廟朝贈兵曹判書 命旌問

官其子東亮 孝廟朝 贈謚貞武錄清
白 肅廟朝從祀大報壇享院 宣額號
潛窩○鄭克後居安康南昆李山下自號

雙峰老人襲明之後篤學力行遊學旅軒
之門早歲以文學名世屢舉不第晚年專
以攻文著書為已任西岳志歷年通考皆
已刊行所述若干卷藏於家以文行薦為
師傅○文應星居府北黑林村江城浩益
漸拔也壬辰倭寇猝發本府為賊路初頭
公私蒼黃奔潰而應星周旋其間權奉
聖殿東西廡位版于紫玉山中終始保護
亂定後 特除參奉○韓琦字宋卿吏曹
判書平節公雍五世孫校理卷玄孫幼有

茂才節躬讀書高義恤窮鄉黨於式彌望
薦刻曰華國之文經世之器 徵拜 顯
陵參奉子彥粹繕工監參奉孫克孝 宣
陵參奉以白衣三世名顯○崔洛本府掾
吏也文筆具瞻計慮長遠壬辰之亂人皆
偷生不暇而洛周旋其間擔運東都事蹟
案藏置於深僻地使千年往蹟得保於兵
火槍攘中以資後人考據功不下古人之
掘地藏史茲錄於人物之下以為來者觀
感之地云爾

